

Här Guy Weber
Chefredakter vun RTL
45, bd Pierre Frieden
L-1543 Lëtzebuerg

Lëtzebuerg, den 22. September 2021

Betrëfft: Reportagen op RTL iwwer d'Chambersdebatten am Kontext vun der COVID-Pandemie

Oppene Bréif

Här Chefredakter,

Fir d'éischt wëlle mir lech dofir Merci soen, datt RTL där wichtiger Thematik vun der sanitärer Situatioun ronderëm de COVID vill Plaz gëtt. Et ass eis awer opgefall, datt RTL dobäi reegelméisseg d'Positiounen vun der ADR, déi jo vum Här Deputéierte Jeff Engelen an der Chamber vertruede ginn, a sengen Reportagen iwwer d'COVID-Debatte mat kengem Wuert ernimmt.

Dacks ginn op RTL all Parteien mat hire Positiounen virgestallt – mat der Ausnam ebe vun der ADR. Elo ass et eis Suerg, datt d'Glawierdegkeet an déi politesch Neutralitéit vun RTL onbedéngt mussen erhale bleiwen. An Zäite vu Selbstzensur duerch "vorausseilende Gehorsam", politescher Korrektheet a "cancel culture" constatéiere mir e rapide Vertrauensverloscht an d'Medien an halen dat fir eng onglécklech Entwécklung, där mir all sollten entgéintsteieren. Dowéinst ass et och wichtig, datt d'Medien méiglechst objektiv, onparteiessch a komplett informéieren an op déi Manéier deene berechtigten Qualitätsuspréich vun de Leit gerecht ginn.

Et ass och net esou, datt d'ADR datselwecht géing soe wéi déi aner Parteien an dowéinst e repetitive Charakter vun eisen Aussoen hir besonnesch Ervirhiewung kéint iwwerflësseg erschénge loossen. Et ass am Géigendeel esou, datt eis Positiounen vun Interessi sinn, well si sech ebe vun deene vun anere Parteien fundamental ënnerscheeden. Keng Partei trëtt zum Beispill esou resolut fir de Respekt vun eise konstitutionelle Grondrechter a wéi d'ADR. Eis Iwwerzeegung sinn also en Ausdrack vun engem demokrateschen Pluralismus deen eis Gesellschaft brauch an dee si éiert.

Aus all deene Grënn biede mir lech dowéinst an Äre Reportagen och d'Positiounen vun der ADR gläichberechtigt an objektiv duerstellen.

Mat beschte Gréiss,



Jean Schoos
Partei-president



Fernand Kartheiser
Fraktiounspresident